

# STATUTS

## UNIUN DA DUNNAS RUSCHEIN/LADIR

### ***Partiziun generala***

1. Num, sedia ed intent
2. Commembras, dretgs ed obligaziuns
3. Organisaziun
4. Uorden da cassa
5. Indemnisaziun
6. Perscripziuns finalas

### **1. *Num, sedia ed intent***

#### ***Art. 1***

L'uniun da dunnas Ruschein/Ladir ei in'uniun tenor art. 60 dil cudisch svizzer cun sedia a Ruschein.

#### ***Art. 2***

Igl intent dall'uniun ei:

1. La formaziun supplementara da sias commembras el sectur religius, social, cultural ed educativ.
2. Cultivar e promover il contact denter las commembras e prender posiziun en damondas actualas che pertuccan la dunna, famiglia e cuminonza.
3. Promover la buna pressa en famiglia e pleiv.

### **2. *Commembras, dretgs ed obligaziuns***

#### ***Art. 3***

- a) La pusseivladad da daventar commembra han tuttas dunnas sesentas a Ruschein e Ladir cun pagar la contribuziun annuala.
- b) Novas commembras vegnan pridadas si dalla radunonza generala ni el decuors digl onn cun s'annunziar tier la suprastonza e pagar la contribuziun annuala. Mintga commembra recepida da niev ell'uniun obtegn ils statuts.
- c) Scadina commembra sclauda sesezza el decuors da dus onns dall'uniun sch'ella paga negina contribuziun, malgrad ch'ella ei vegnida admonida. Ella piarda cheutras tut ils dretgs ed avantatgs dall'uniun.
- d) Commembras che cunterfan agl intent dall'uniun san vegni excludas dall'uniun entras la radunonza generala.

**Art. 4**

Mintga commembra ha il dretg d'elecziun ed il dretg da votar sco era da vegnir elegida.

Mintga commembra ha il dretg da purtar avon ina proposta alla radunonza generala e da pretender ina votaziun.

**Art. 5**

Mintga commembra s'oblighescha da setener vid ils statuts ed ils conclus dall'uniun e da promover il beinstar dall'uniun.

**3. Organisaziun****Art. 6**

Ils organs dall'uniun da dunnas Ruschein/Ladir ein:

- la radunonza generala
- la suprastonza
- las revisuras da quen

**Art. 7**

La radunonza generala ei il suprem organ dall'uniun. Ella duei haver liug ina gada ad onn el decuors dil meins schaner.

Las tractandas statutaricas secloman:

1. Beinvegni
2. Elecziun da duas dumbravuschs
3. Prelecziun ed approbaziun dil protocol
4. Rapport presidial
5. Rendaquen e rapport dallas revisuras
6. Program da lavur
7. Fixar la contribuziun annuala
8. Elecziun dalla presidenta, suprastonza e dallas revisuras da quen che crodan mintga dus onns
9. Varia
  - a) La radunonza generala ei autorisada da prender in conclus.
  - b) Las elecziuns e votaziuns vegnan per regla fatgas cun maun pli. Tier pliras candidatas vegn l'elecziun fatga cun scrutini.
  - c) Tier votaziuns vala il pli relativ.  
Tier l'emprema elecziun vala il pli absolut, tier ina secunda elecziun il pli relativ.
  - d) Las radunonzas vegnan publicadas a scret cun tarmetter tier a mintga commembra l'invitaziun ni tenor usit (fegl official, tabla nera etc.) silmeins 10 dis avon la radunonza.

### **Radunonza extraordinaria**

Radunonzas extraordinarias san vegnir clamadas tenor basegns entras la suprastonza, ni sche 1/5 dallas commembras giavischan talas.

### **Art. 8**

#### **Suprastonza**

La suprastonza secumpona da:

1. Presidenta
  2. Vice-presidenta
  3. Actuara
  4. Cassiera
  5. Assessura
  6. Il plevon ei ex-officio commember da suprastonza, mo senza dretg da vuschar.
- a) La suprastonza vegn elegida per ina perioda da dus onns en uffeci. Ina reelecziun ei pusseviva. Il cuoz d'uffeci duei buca survargar 12 onns.
  - b) La suprastonza execuescha ils conclus dalla radunonza e representa l'uniun anoviars.
  - c) La sutscriziun legala fan mintgamai la presidenta e l'actuara.
  - d) La presidenta meina las tractandas dall'uniun e regulescha ensemen cun la suprastonza las lavurs currentas.
  - e) La vice-presidenta sustegn e substituescha la presidenta en tut sias lavurs.
  - f) L'actuara meina ils protocols.
  - g) La cassiera meina il quen, incassescha las contribuziuns e meina ils registers dallas commembras sco era la gliesta d'inventari da material

### **Art. 9**

Las revisuras da quen controlleschan il quen, il qual vegn mintgamai serraus giu ils 31 da december, e dattan lur pareri a bucca ni a scret a caschun dalla radunonza generala.

## **4. Uorden da cassa**

### **Art. 10**

Ils mieds finansials dall'uniun seresultan ord :

- contribuziuns annualas
- donaziuns
- rendita ord facultad dall'uniun
- rendita ord occurenzas (bazars, lotto etc.)

**Art. 11**

Il credit liber dalla suprastonza ei 500 francs.

**5. Indemnisaziun**

Las commembras dalla suprastonza ni lur delegadas vegnan indemnisadas per las spesas (viadis, tschaveras, telefons, porti etc.) ord la cassa dall'uniun.

**6. Prescripziuns finalas****Art. 12**

Ina revisiun parziala ni totala dils statuts sa vegnir fatga sin proposta dallas commembras cun dretg da vuschar, ni era sin proposta dalla suprastonza.

La soluziun dall'uniun sco era nua imponer la facultad sa mo la radunonza generala decider.

**Art. 13**

Quels statuts van en vigur cun l'approbaziun dalla radunonza generala dils 18 da schaner 2018 e remplazzan ils statuts dils 31 da schaner 1990.

UNIUN DA DUNNAS RUSCHEIN/LADIR

datum:  
Ruschein, ils 18.01.2018

la presidenta  
Fina Blumenthal

l'actura  
Lydia Coray